

右造式所起請稱太政官去延曆二十年十二月十三日符云職事諸王上日不滿應預王祿但不直本司經二季已上量情可責宜解見任者案職制律云以官當徒者六位以下以一官當徒一年仍解見任者今檢此律六位以下諸王不上冊五日以上自須官當解任而官符二季以上乃可解任此乖法意加以解官之罪於事不輕而無奉勅字若爲處分者大納言正三位兼行左近衛大將陸奧出羽按察使藤原朝臣宣奉勅宜改先符經百二十日不直者解却見任永爲恒例

弘仁十年十二月廿一日

〔三代實錄十七〕貞觀十二年二月二十日壬寅公卿奏請減諸王季祿兼立給祿定額曰○中伏見故從四位上豐前王等意見表曰利國之政節用爲先今府帑稍空貢賦少入當停諸王之祿存救弊之計者臣等商量上表之旨頗有可取但專停之則似疎皇親全給之則可闕國用取捨之方宜勤折中又王氏蕃昌萬倍曩日計其祿賜所費難支伏望當時預祿者四百二十九人爲定員後生年足者隨闕補之但自願賜姓屬籍者不以爲闕重以去年炎旱農民失望聖上撤服御常膳群下減食封位祿而至于王祿依舊不悛求諸通論政涉躋駁事須准之位祿同從減折然則適時之要理无二途濟世之權事從一揆謹錄事狀伏聽天裁奏可廿五日丁未勅減諸王季祿四分之二

女王賜祿

〔延喜式三十九〕正親凡給季祿男女王同世之中有同名者速令申換載帳進之但新名下注本名
〔內裏式上〕八日○正賜女王祿式十一同

其日近衛次將令所司鋪設於殿庭安福殿前積祿於版位南紫宸殿南廂西戶外建三尺畫障子辨備御饌謂三菜子雜餅等殿南廂西第三間安酒器并皇后御座饌及女御尚侍已下散事已上饌座並謂肴其御座以西二許丈設皇后御座裝束之儀同御座但不立御帳御座以東設女御以上座用臺盤置銀筋匙但饌各御座以東二許丈南北相對立孫王尚侍典侍等床子以下同子東廂南北相對立散事床子以上同鋪毯代又立臺盤置白銅筋匙及肴菜子東第一間安酒器別記祿東頭少北進北面立內侍床子又西去八許尺立女史床子床子前立空床